

krige legen müsten, so solden wir vorgeanten herren von Swarczburg  
 czwene unser manne, und die vorgeanten herren von Reynsteyn czwene  
 orre manne, und eyn ixlich stad czwene orer borger uz dem rathe  
 dor czu senden an gelegeliche stede. Die czhene sullen sich dez danne  
 voreynen uff dem tage, wo vel wepenere man poben die czal der vor- 5  
 genanten wepenere in die vorgeanten sloz legen solde, alz man der  
 danne bedorffte czu dem krige. Gesche ouch daz wir fromen nemen  
 an unsen vigenden an vehename, an gefangen, an gedinge ader welche  
 wiz der frome queme, den sullen wir teilen noch manczal gewopender  
 luthe die danne uff dem velde mite weren. Ouch ensal unser eyn an 10  
 den andern sich mit den herren von Wernigerade und met den die on  
 behulffen sin czu dessem krige nicht sūnen noch freden, unser ixlichem  
 gesche erst von den vigenden dez uns nod were, ader unser eyner tede  
 daz met dez andern gutem willen. Were ouch daz desser krig berich-  
 tet worde, und ab die herren von Wernigerade ader die, die on czu 15  
 dessem kryge gehulffen hetten, ane greffen unser eynen unser obgenan-  
 ten herren ader steten met roube ader met brande und uns beschedi-  
 geten, dorczu sal unser eyner dem andern getruwelichen behulffen sie  
 met allen truwen und in alle der wise, also deser briff uzwiset. Ouch  
 ensal unser eyner des andern vigende nicht husen hegen noch fordern 20  
 in desser eynunge. Were ouch daz wir ader unser amptlute waz gelo-  
 beden ader geben boten, die waz vorbotten an unsen vigenden, daz lon  
 wollen wir met eynander bestan also vaste den fromen, der uns do bave  
 komen müchte. Desse eynunge und vorbuntnisze, die sal nū von  
 stad an anstan und bliben von st. Walpurgē tage der neyst kommet 25  
 vortober dry jar met uns obgenanten herren von Swarczburg und von  
 Reinsteyn; und desse selbe voreynunge und buntnisse, die sal ouch  
 nū von stad an anstan und bliben uff den neisten czukumpftigen st.  
 Mertins tag met uns obgenanten herren von Swarczburg und met den  
 vorgeanten steten Halberstad Quedelingeborg und Aschersleiben. Die 30  
 selben eynunge und vorbuntnisze sal unser eyn dem andern stete und  
 gancz halden met allen truwen, daz glaben wir vorgeante herren von  
 Swarczburg den vorgeanten herren von Reynsteyn und steden ane  
 argelist czu halden, und haben dez czu orkunde dessen briff met unsen  
 anehangen insegelen den obgenanten herren von Reinsteyn und steden 35  
 besegelt darober gegeben noch Cristi gebort driczenhundert jar dor-  
 noch in dem dry und achzigesten jare an dem suntage noch Ostern  
 also man singet Cantate.

Original mit zwei Siegeln im Landes-Haupt-Archiv zu Wolfenbüttel s. R. Blankenburg.